

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Biblia Das ist Die gantze Heylige Schrift Teutsch

Luther, Martin

Franckfurt am Mayn, 1560

VD16 B 2747

Illustration: [Elia spricht zu den Propheten Baals]

urn:nbn:de:bsz:31-62174

nach/ Vnd das volck antwortet im nichts. Da sprach Elia zum volck/ Ich bin allein vberblieben ein Prophet des HERRN/ Aber der Propheten Baal sind vier hundert vnd fünfzig man. So gebt vns nuh zween Farren/ vnd laßt sie erwehlen einen farren/ vnd ihn zstücken/ vnd auffß holz legen/ vnd kein sewer dran legen/ so wil ich den andern Farren nemen/ vnd auffß holz legen/ vnd auch kein sewer dran legen. So ruffet ir ahn den namen ewers Gottes/ vnd ich wil den Namen des HERRN anruffen/ Welcher Gott nuh mit sewer antworten wird/ der sey Gott. Vnd das ganze volck antwortet/ vnd sprach/ Das ist recht.

Vnd Elia sprach zu den Propheten Baal/ Erwehlet ir einen Farren/ vnd macht am ersten/ denn ewer ist vil/ vnd ruffet ewers Gottes namen ahn/ vnd legt kein sewer dran. Vnd sie namen den Farren/ den er ihnen gab/ vnd richteten zu/ vnd riefen ahn den namen Baal/ von morgen ahn bis an den mittag/ vnd sprachen/ Baal erhöre vns. Aber es war da kein stimme noch antwort/ Vnd sie hinceten umb den Altar den sie gemacht hatten. Da es nuh mittag ward/ spottet ir Elia/ vnd sprach/ Kufft laut/ denn er ist ein Gott/ Er dichtet oder hat zuschaffen/ oder ist oberfeld/ oder schläfft vielleicht/ das er auffwache. Vnd sie riefen laut/ vnd riketen sich mit messern vnd pfriemen/ nach ihrer weise/ bis das ihr blüt hernach gieng. Da aber der mittag vergangen war/ weiffagten sie/ bis daß man das Speißopffer thun solt/ vnd war da keine stimme/ noch antwort/ noch Aufmercker.

(Hinceten)
 Die falschen heiligen
 weiffen sie andechtig sein
 wollen/ werffen sie die
 kopff zu beiden seiten/
 wie eine Gans gehet/
 d. es scheinet/ wie ein
 hincender zu beiden
 seiten hin vnd her wa
 ckelt. Daher auch d. d. d.
 Passah kompt/ Exod.
 92. Da Gott in Egi
 pten durchgieng/ vnd
 hincet/ das er schläg
 todt zu beiden seiten/
 hie vnd da/ wie ein
 erucken man gehet.
 Sic supra, Ut quid
 claudicatis in duas
 partes? Significat
 impios esse uagos
 & duplices animo,
 nihil certi habere,
 Eph. 4. Inde etiam
 saltare dicuntur ta
 les, quia motu capi
 tū similes sunt sal
 tantibus, & uere ca
 pitibus saltant.



Da sprach Elia zu allem volck/ Kompt her alles volck zu mir/ Vnd da alles volck zu ihm trat/ heilet er den Altar des HERRN der zubrochen war. Vnd nam zwölff steine/ nach der zahl der stämme der kinder Jacob (zu welchem das wort des HERRN redet/ vnd sprach/ Du solt Israell heißen) vnd bauwet von den steinen einen Altar im Namen des HERRN/ Vnd macht umb den Altar her eine gruben/ zwen formmaass weit. Vn richtet das holz zu/ vnd zstücket den Farren/ vnd legt in auffß holz. Vnd sprach/ Holet vier Sad wasser voll/ vnd gieffet es auff das Brandopffer vnd auffß holz. Vnd sprach/ Thüts noch ein mal/ Vnd sie thätens noch ein mal. Vn er sprach/ Thüts zum dritten mal/ Vnd sie thätens zum dritten mal/ Vnd das wasser lieff omb den Altar her/ vnd die gruben ward auch voll wassers.

Vnd